

22. febrúar 2008**Afkoma Atorku Group hf. á árinu 2007**

Atorka Group hf. birtir bæði móðurfélagsuppgjör og samstæðuuppgjör sem hvoru tveggja eru gerð í samræmi við alþjóðlega reikningsskilastaðla IFRS. Vegna munar sem gildir samkvæmt IFRS um gerð móðurfélags- og samstæðuuppgjöra er munur á afkomu móðurfélags og samstæðu. Atorka Group hf telur að fjárfestar verði að kynna sér bæði uppgjörin til að fá rétta mynd af stöðu félagsins.

Í móðurfélagsreikningi eru allar fjárfestingar, þar með taldar fjárfestingar í dótturfélögum, metnar á gangvirði (e. fair value). Breytingar á gangvirði á tímabilinu eru færðar í rekstrarreikning, þar með taldar gangvirðisbreytingar og arðstekjur frá dótturfélögum. Hins vegar er ekki tekið tillit til afkomu rekstrar hvers og eins dótturfélags á tímabilinu.

Í samstæðureikningi er beitt hlutdeildaraðferð og samstæðureikningsskilum, þar sem rekstrarleg afkoma hvers og eins dótturfélags ásamt afkomu móðurfélags, án gangvirðismats á dótturfélögum, er lögð saman og myndar afkomu tímabilsins.

Greiningu á mismunandi afkomu móðurfélagsins annars vegar og samstæðunnar hins vegar er að finna í skýringu 2.1 í báðum ársreikningum.

Helstu niðurstöður fyrir árið 2007:**Samstæðureikningur:**

- Tap eftir skatta í samstæðureikningi Atorku Group hf., var 900 milljónir króna.
- Tap á fjórða ársfjórðungi var 3.373 milljónir króna.
- Tekjur ársins voru 71,3 milljarðar króna.
- Heildareignir samstæðunnar í lok ársins voru 103,7 milljarðar króna.
- Eigið fé var 9 milljarðar króna í lok ársins.

Móðurfélagsreikningur:

- Hagnaður eftir skatta á árinu 2007 var 8.141 milljónir króna.
- Hagnaður eftir skatta á fjórða ársfjórðungi var 1.371 milljónir króna
- Heildareignir í lok árs voru um 62.325 milljónir króna, jukust um 45% á milli ára.
- Eigið fé var 23.376 milljónir króna 31. desember 2007, sem er aukning um 36% frá árslokum 2006 að teknu tilliti til arðgreiðslu.
- Arðsemi eigin fjár á árinu 2007 var 47%
- Eiginfjárhlutfall er 38%
- Hagnaður á hlut er 2,58

Magnús Jónsson forstjóri Atorku Group;

„Afkoma Atorku fyrir árið 2007 var góð þrátt fyrir krefjandi markaðsaðstæður. Atorka innleysti verulegan hagnað með sölu á einu af fjárfestingarverkefnum sínum. Jafnframt fjárfesti félagið í nýju verkefni, Geysir Green Energy og er í dag stærsti hluthafi þess með um 44% hlut. Innan Geysis er unnið að fjölda verkefna í Evrópu, Asíu og Ameríku og hefur félagið sterka stöðu til þess að verða leiðandi í nýtingu á jarðvarma í heiminum. Atorka er í auknum mæli að beina sjónum sínum að Asíu nú síðast með kaupum á um 14% hlut í Asia Environment Holding sem er leiðandi félag í uppbyggingu á vatnshreinsistöðvum í Kína og víðar í Asíu. Ljóst er að með aukinni velmegun munu Kínverjar fjárfesta verulega í bættum lífsgæðum og sjáum við því mikil tækifæri í fjárfestingum því tengdu. Atorka er með mjög sterka fjárhagsstöðu og í góðri stöðu til að nýta sér þau tækifæri sem munu skapast á komandi misserum.“

Helstu viðburðir

- Allur eignarhlutur í Jarðborunum var seldur til Geysir Green Energy. Heildarvirði (Enterprise Value) sölnunnar var 17,7 milljarðar króna. Innleystur hagnaður frá upphafi fjárfestingarinnar er um 11 milljarðar króna.
- Atorka hefur endurfjármagnað stærstan hluta af skammtímalántökum sínum, með nýjum lántökum til 2 ára eða lengur. Aðeins 9% af langtímaskuldum eru til greiðslu á árinu 2008.
- Atorka gerðist kjölfestufjárfestir í Geysir Green Energy og keypti 32% hlut í ágúst. Í febrúar 2008 jók Atorka eignarhlut sinn í Geysi og er nú stærsti hluthafinn með um 44% hlut.
- Jarðboranir gerðu samning við Landsvirkjun um borun á fimm rannsóknarholum á næsta ári. Um mitt ár stofnaði Jarðboranir Hekla Energy í Þýskalandi til að mæta aukinni útrás félagsins og hafa Jarðboranir nú þegar hafið borverkefni í Þýskalandi fyrir Exorku, dótturfélag Geysir Green Energy.
- Geysir Green Energy er stærsti eigandi að jarðhitaleyfum í Þýskalandi.
- Geysir Green Energy keypti hlut Landsvirkjunar í Enex og á félagið nú um 72% hlut í Enex.
- Iceland America Energy, félag í eigu Enex, vinnur að fjölda verkefna í Bandaríkjunum og lauk við að bora sína fyrstu holu nýlega í Truckhaven í Californíu.
- Á fyrri hluta ársins lauk Promens við endurfjármögnun með sambankaláni frá DnB NOR, Nordea og LBNord. Fjármögnunin tryggir að félagið geti haldið áfram að vaxa með frekari kaupum á fyrirtækjum.
- Á árinu lauk Promens yfirtöku á 3 plastframleiðslufyrirtækjum sem framleiða umbúðir, Novoplast í Rússlandi, Decoplast í Frakklandi og STE Packaging á Spáni. Ný verksmiðja var opnuð í Póllandi og verið er að skoða frekari fyrirtækjakaup í Austur Evrópu.
- Í byrjun nóvember sameinaði Promens alla starfsemi sína undir einu nafni.
- Atorka jók eignarhlut sinn í Interbulk í 40% á árinu í tengslum við hlutafjárraukningu og kaup félagsins á UBC sem er leiðandi í Evrópu á sérhæfðum gámaflutningum, einkum fyrir efnaiðnað.
- Atorka keypti um 30% hlut í Clyde Process Solution (CPS) og studdi félagið við yfirtöku á MAC, sem er leiðandi fyrirtæki í Norður-Ameríku í framleiðslu á háþrúðum búnaði fyrir framleiðsluferli.
- Eignarhlutur í Amiad Filtration hefur verið aukinn í tæp 23%. Amiad er leiðandi á alþjóðamarkaði í framleiðslu á vatnshreinsibúnaði. Mikill vöxtur er á þessum markaði.
- Atorka hefur bætt við nýrri fjárfesingu í vatnshreinsiiðnaði með kaupum á um 14% hlut í Asian Environment Holdings. Félagið lauk til að mynda nýlega við uppbyggingu á 200.000 m³ vatnshreinsistöð í Kína sem félagið mun eiga og reka næstu 20 árin og vinnur að uppbyggingu á öðrum tug sambærilegra verkefna í Asíu.
- Atorka keypti tæplega 24% hlut í Shanghai Century Acquisition Corp (SHA) sem er skráð á AMEX markaðnum í NY. SHA hefur fjárfest í fjármögnunarleigufélagi sem starfrækt er í Kína en sá markaður er vanþróaður og því mikil tækifæri til vaxtar. Félagið hafði áður tilkynnt fyrirhuguð kaup á samheitalyfjafyrirtæki í Kína sem háð var samþykki kínverskra yfirvalda. SHA sendi frá sér tilkynningu þann 20. febrúar 2008 þar sem sagt var frá því að kaupin voru ekki samþykkt.
- Atorka seldi 3 fyrirtæki á heilbrigðismarkaði; Icepharma, Parlogis og Ilsanta.
- Allar fjárfestingar eru færðar á markaðsvirði eða gangvirði (e. fair value) og eru engar fjárfestingar utan efnahagsreiknings. Félagið hefur sterka fjárhagsstöðu og er vel fjármagnað og með sterka stöðu handbærs fjár.

Afkoma Atorku Group fyrir árið 2007

Hagnaður Atorku nam 8.141 milljónum króna eftir skatta og jókst um 21% á milli ára. Hagnaður á fjórða ársfórðungi 2007 nam 1.371 milljónum króna. Hagnaður á hvern hlut nam 2,58 á árinu 2007. Heildareignir í árslok voru 62.325 milljónir króna sem er aukning um 45% á milli ára. Aukningu eigna má skýra með auknu handbæru fé og fjölgun og stækkun á fjárfestingarverkefnum. Eiginfjárhlutfall félagsins í árslok var um 38% og arðsemi eiginfjár um 47%.

Tekjur af fjárfestingarstarfsemi

Tekjur af fjárfestingarstarfsemi voru 10.034 milljónir króna á árinu samanborið við 9.240 milljónir króna árið 2006. Á árinu seldi félagið Jarðboranir til Geysir Green Energy og innleysti í þeirri sölu stóran hluta af fjárfestingartekjum félagsins. Jarðboranir hafa vaxið gríðarlega undir forystu Atorku á undanförunum árum. Allar eignir félagsins eru færðar á markaðsvirði eða gangvirði (e. fair value).

Fjármögnun

Atorka hefur sterka fjárhagsstöðu og eru einungis 3.349 milljónir á gjalddaga á árinu 2008. Félagið er með 10.275 milljónir króna í handbært fé í árslok 2007 og getur því greitt skammtíma vaxtaberandi skuldir félagsins þrisvar sinnum. Allar fjárfestingar Atorku koma fram í efnahagsreikningi félagsins og eru því engar skuldbindingar með hlutabréf í framvirkum samningum eða öðrum afleiðusamningum.

Rekstrarreikningur samstæðu

ISK milljónir	4F 2007	3F 2007	2F 2007	1F 2007	4F 2006
Hreinar fjármunatekjur	(2.603)	(1.029)	(1.209)	(449)	(963)
Rekstrartekjur	18.046	17.133	18.956	17.087	7.740
Rekstrarkostnaður	(18.311)	(17.074)	(17.987)	(16.710)	(8.168)
Aflögð starfsemi	45	3.656	(309)	412	0
Afskrift viðskiptavildar					(138)
Tekjuskattur	(550)	14	(136)	119	915
Hagnaður/(Tap) eftir skatta	(3.373)	2.700	(685)	459	(614)

Rekstrarreikningur móðurfélags

ISK milljónir	4F 2007	3F 2007	2F 2007	1F 2007	4F 2006
Hreinar fjármunatekjur	(317)	1.049	2.985	3.406	1.720
Rekstrarkostnaður	(272)	(158)	(181)	(296)	(122)
Hagnaður / (Tap) fyrir skatta	(588)	891	2.804	3.110	1.599
Tekjuskattur	1.959	(156)	200	(78)	(287)
Hagnaður eftir skatta	1.371	734	3.004	3.032	1.312

Framtíðarhorfur

Horfur í fjárfestingarverkefnum Atorku eru góðar. Aðkoma Atorku að Geysir Green Energy er spennandi og sér félagið mikil tækifæri í því að skapa frekari verðmæti með þátttöku í uppbyggingu Geysis. Með sölnunni á Jarðborunum innleysti félagið verulegan hagnað og í kjölfar þess er svigrúm til nýrra fjárfestinga. Promens vinnur markvisst að frekari vexti með „buy and build“ með áherslu á Austur-Evrópu. Atorka leggur aukna áherslu á fjárfestingar tengdar vatnshreinsiiðnaði en mikill vöxtur er framundan á því sviði, sérstaklega í Asíu. Ásamt því að skoða ný fjárfestingarverkefni mun Atorka áfram styðja við uppbyggingu á núverandi fjárfestingarverkefnum.

Endurskoðun

Ársuppgjörið hefur verið endurskoðað af endurskoðendum félagsins, PricewaterhouseCoopers.

Arðgreiðslur til hluthafa

Stjórn félagsins hefur ákveðið að leggja til við aðalfund að greiddur arður verði 2.111 milljónir króna, eða 65% af nafnverði hlutafjár. Arðgreiðslunni verður þannig háttáð að 35% verður greitt út með bréfum í félaginu og 30% í reiðufé. Nemur arðgreiðslan um 26% af hagnaði ársins 2007. Viðmiðunardagur arðsúthlutunar er í lok aðalfundardags og verður arður greiddur út 31. mars 2008.

Aðalfundur og ársskýrsla

Aðalfundur Atorku Group hf. verður haldinn 11. Mars 2008 kl. 17:00, á Hilton Hotel Nordica, Suðurlandsbraut 2, Reykjavík. Ársskýrsla félagsins verður birt á aðalfundardegi.

4 ára yfirlit úr rekstri móðurfélags Atorku Group hf.

Rekstrarreikningur móðurfélags

ISK milljónir	2007	2006	2005	2004
Fjármunatekjur				
Vaxtatekjur og aðrar fjármunatekjur	827	385	388	70
Arður af hlutabréfum	156	1.122	206	144
Gangvirðisbreyting fjáreigna	10.034	9.240	2.234	3.625
Hagnaður/(Tap) af afleiðusamningum	(66)	0	0	0
Vaxtagjöld	(3.827)	(1.919)	(710)	(251)
Hreinar fjármunatekjur	7.123	8.829	2.118	3.587
Rekstrargjöld	(907)	(857)	(612)	(211)
Virðisrýrnun viðskiptavildar	0	0	(249)	(140)
Hagnaður fyrir skatta	6.216	7.972	1.256	3.236
Tekjuskattur	1.924	(1.233)	235	(344)
Hagnaður eftir skatta	8.141	6.739	1.491	2.892

Efnahagsreikningur móðurfélags

ISK milljónir	2007	2006	2005	2004
Eignir				
Viðskiptavild	0	0	0	254
Lán og aðrar kröfur	3.071	5.035	2.238	1.124
Fjárfestingarverkefni	48.929	33.272	16.867	11.775
Afleiðusamningar	51	0	16	241
Handbært fé	10.275	4.721	879	3.449
Heildar eignir	62.325	43.028	20.000	16.843
Eigið fé og skuldir				
Eigið fé	23.376	17.226	9.744	8.969
Tekjuskattskuldbinding	0	1.924	323	566
Lántökur	37.734	23.519	9.486	6.968
Viðskiptaskuldir	650	358	442	309
Afleiðusamningar	566	0	4	30
Eigið fé og skuldir samtals	62.325	43.028	20.000	16.843

3 ára yfirlit úr rekstri samstæðureiknings Atorku Group hf.*

Rekstrarreikningur -samstæðureikningur

ISK milljónir	2007	2006	2005
Hreinar fjármunatekjur	(5.290)	(1.560)	1.379
Rekstrartekjur	71.222	16.218	17.029
Rekstrarkostnaður	(70.082)	(16.850)	(17.166)
Hagnaður/(Tap) fyrir skatta	(4.151)	(2.193)	1.243
Tekjuskattur	(552)	924	266
Aflögð starfsemi	3.803	783	(19)
Hagnaður/(Tap) eftir skatta	(899)	(486)	1.489

Efnahagsreikningur -samstæðureikningur

ISK milljónir	2007	2006	2005
Eignir samtals	103.669	99.290	33.538
Skuldir samtals	94.605	87.018	23.598
Eigið fé	9.064	12.272	9.940
Eigið fé og skuldir samtals	103.669	99.290	33.538

*Samstæðureikningsskil voru fyrst gerð árið 2005.

Fjárfestingarverkefni

Núverandi eignasafni Atorku er skipt upp í sex flokka, en þeir eru; endurnýtanleg orka, iðnaður, umhverfistækni, flutningaþjónusta, vatnshreinsiiðnaður og önnur fjárfestingarverkefni. Atorka kemur ekki með beinum hætti að daglegum rekstri þessara félaga en styður þau til frekari vaxtar með góðu samstarfi við stjórnendur eða fulltrúa í stjórn.



Geysir Green Energy

Geysir Green Energy er fjárfestingafélag sem fjárfestir í félögum sem starfa að nýtingu jarðvarma til orkuvinnslu. Atorka keypti fyrst í félaginu í ágúst 2007 og jók við eignarhlut sinn í febrúar 2008 og er nú stærsti hluthafinn með um 44% hlut. Meðal félaga sem Geysir hefur þegar fjárfest í má nefna Jarðboranir, sem er eitt fremsta fyrirtæki heims í nýtingu auðlinda á sviði jarðvarma. Geysir á einnig 32% hlut í Hitaveitu Suðurnesja, 72% hlut í Enex, 65% hlut í Exorku International, 20% hlut í Western Geopower og Enex China 33% hlut.



Promens

Promens er leiðandi fyrirtæki í plastframleiðslu í heiminum með 64 verksmiðjur í Evrópu, Norður Ameríku, og Asíu. Fyrirtækið framleiðir mikið úrval umbúða m.a. fyrir matvæla-, efna- og lyfjaiðnað auk þess að framleiða plasthluti fyrir bíla-, þungavinnuvéla- og rafeindaiðnaðinn. Uppbygging Promens gekk vel á árinu 2007 og var nýtt skipurit kynnt í júlí. Promens keypti þrjú félög á árinu og er áætluð velta fyrir árið 2008 um 760 milljónir Evra og heildar fjöldi starfsmanna er um 6.000. Þynntur eignarhlutur Atorku er 63%.

22. febrúar 2008**Romag**

Romag er leiðandi framleiðandi á sérhæfðum glerlausnum, einkum fyrir endurnýjanlega orku. Félagið hefur þróað sérhæft gler sem nýtir birtu til rafmagnsframleiðslu (e. photovoltaic glass). Mikill vöxtur er á þessum markaði og hefur framleiðslugeta fyrirtækisins verið að aukast, var 6 MW í upphafi árs 2007 en verður 28MW á árinu 2008. Romag er skráð á AIM markaðinn í London og er eignarhlutur Atorku um 22%.

**Interbulk**

Interbulk Group er eitt af leiðandi félögum í heiminum í sérhæfðum gámaflutningum fyrir efnaiðnað en á þeim markaði eru gerðar miklar kröfur til áreiðanleika. Markaðurinn sem Interbulk starfar á hefur vaxið mikið undanfarin ár og er spáð frekari vexti einkum í Austur Evrópu og Asíu. Höfuðstöðvar Interbulk eru í Rotterdam og er félagið skráð á AIM markaðnum í London. Atorka Group er stærsti hluthafinn með um 40% hlut.

**Clyde Process Solutions**

CPS er leiðandi fyrirtæki í framleiðslu á háþrúðum lausnum til flutninga á hráefnum í framleiðsluferlum. Búnaðurinn sem CPS framleiðir sparar mikinn kostnað, minnkir mengun og eykur hagkvæmni í framleiðsluferlinum. Búnaðurinn er notaður í fjölda atvinnuvega meðal annars í gipsframleiðslu, sementsframleiðslu, stálframleiðslu, matvælaíðnaði og efnaiðnaði. Félagið er með starfsemi í öllum heimsálfum. CPS er skráð á AIM markaðinn í London og er eignarhlutur Atorku um 30%.

**Amiad**

Amiad er leiðandi á alþjóðamarkaði í framleiðslu á vatnshreinsibúnaði. Félagið er með öflugt sölunet og selur vörur sínar um allan heim. Mikill vöxtur er á þessum markaði og er vaxandi eftirspurn eftir hreinu vatni. Auknar kröfur í umhverfismálum munu auka vöxt á núverandi og nýjum mörkuðum á næstu árum. Amiad sá m.a. um allan búnað fyrir Ólympíuþorpið í Peking. Amiad er skráð í Kauphöllinni í London og eignarhlutur Atorku er um 22%.

**Asia Environment Holdings**

ASIA Environment er leiðandi framleiðandi á vatnshreinsilausnum í Kína. Félagið sérhæfir sig í heildarlausnum á sviði vatnshreinsunar, allt frá framleiðslu á búnaði til reksturs og eignarhalds á vatnshreinsistöðvum. Árlegur vöxtur Asia Environment Holdings er um 35% næstu 3 árin. Kínverjar hafa ákveðið að fjárfesta fyrir RMB 400 milljarða í uppbyggingu og endurnýjun á vatnshreinsiverksmiðjum á árunum 2006-2010. Höfuðstöðvar félagsins eru í Yixing í Kína. Asian Environment er skráð í Kauphöllinni í Singapore og eignarhlutur Atorku er 14%.

**Björgun**

Björgun er frumkvöðull að byggingu bryggju- og strandhverfa við Ísland. Björgun annast einnig landfyllingar og hefur byggt upp íbúða- og atvinnuhverfi frá grunni, m.a. Sjálandshverfið í Garðabæ. Félagið er stærsti aðilinn á landinu í hafnargerð og dýpkunum og eru mikil verkefni framundan þar, t.a.m. í tengslum við hafnargerð í tengslum við frekari stóriðjuframkvæmdir. Björgun er einnig í efnisvinnslu og selur efni til Sementsverksmiðjunnar, steypustöðva o.fl. Eignarhlutur Atorku í Björgun er 100%.

22. febrúar 2008**Fjárhagsdagatal Atorku Group hf.**

Áætlaðir birtingartímar uppgjöra Atorku Group hf. fyrir árið 2008 eru eftirfarandi:

23. maí	Árshlutareikningur 1. ársfjórðungur
26. ágúst	Árshlutareikningur 2. ársfjórðungur
14. nóvember	Árshlutareikningur 3. ársfjórðungur
20. febrúar	Árshlutareikningur 4. ársfjórðungur og ársuppgjör ársins 2008

Nánari upplýsingar veita;

Magnús Jónsson,
forstjóri í síma 540 6200

Valdís Arnardóttir
kynningarstjóri í síma 840 6217

Reikninga Atorku Group hf. má finna á heimasíðu félagsins www.atorka.is

Um Atorku Group

Atorka er fjárfestingarfélag sem styður framsækin fyrirtæki, sem njóta góðs af hnattrænni þróun, til leiðandi hlutverks á heimsvísu. Í fjárfestingum sínum leggur Atorka áherslu á að rekstur fyrirtækjanna sé öflugur og hafi sterkt stjórnendateymi og að fyrirtækið starfi við góð skilyrði til verulegs innri og ytri vaxtar. Gert er ráð fyrir að tímalengd verkefnanna sé um 3-5 ár og að mikil tækifæri séu til vaxtar og verðmætaaukningar.



ATORKA
Atorka Group hf.
Hlíðasmára 1
201 Kópavogur
Sími: 540 6200 - Fax: 540 6220
Netfang: atorka@atorka.is